

佛說一切如來真實攝大乘現證三昧大教  
王經卷第九 實九

西漢經三藏朝奉奉靈光祿傳法師賜紫沙門臣施護等奉詔譯

降三世曼拏羅廣大儀軌分第六之一  
亦時世尊一切如來又復雲集以一百八名  
稱讚金剛手菩薩摩訶薩大轉輪王頌曰

金剛薩埵大金剛	妙金剛尊善哉者
金剛灌頂金剛光	金剛勝幢我頂禮
喜笑金剛大妙法	金剛利劍大執持
諸曼拏羅最上王	遠離戲論我頂禮
金剛羯磨大作護	暴怒藥叉大攝伏
堅固大印金剛拳	一切印契我頂禮

妙善提心大善提	清淨妙覺諸如來
金剛智起大智門	最上大乘我頂禮
一切義利諸寶義	大勇猛義徧一切
徧作自在一切智	一切示現我頂禮
金剛身妙勝金剛	金剛精進金剛主
大三昧耶寶義生	摩訶薩埵我頂禮

金剛大鉤大妙欲	極妙勝樂大妙光
金剛光明現光明	佛大光照我頂禮
勝金剛主金剛上	勝大明上人中尊
上首金剛大勝上	無極大明我頂禮
大金剛界大秘密	金剛秘密妙秘心
金剛微妙大禪那	金剛事業我頂禮

佛金剛勝佛中勝	三佛善提大智悟
諸佛勝智大徧覺	自覺覺他我頂禮
為佛供養大供養	薩埵供養妙供者
廣大方便大成就	金剛成就我頂禮
一切如來大智身	一切如來勝辯才
一切如來大愛心	金剛金剛我頂禮

行佛教勅佛勝主	為諸佛子勝上生
徧照尊勝一切師	寂靜威暴我頂禮
一切如來大真實	諸法實際大理趣
一切波羅蜜多智	第一義諦我頂禮
廣大普賢最勝行	一切中勝平等智
自伏諸魔降眾魔	一切通達我頂禮

諸佛大智本大智 金剛大智善調者  
眾金剛身勇金剛 頂禮歸命金剛手  
金剛薩埵汝所說 是即金剛堅固心  
由斯得彼諸如來 禮拜供養咸恭信  
汝自在力成正覺 能現一切如世父  
汝得一切善出生 為諸如來所依止

實九

二

如是最勝稱讚語 以孝愛心善讚揚  
若以歌詠讚汝尊 得執金剛等無異  
我今勸請汝聖尊 善作諸佛妙愛事  
廣為利益諸有情 願說本部所生法  
今時一切如來增上主宰具德金剛手菩薩  
摩訶薩聞諸如來勸請言已以金剛杵安於

自心白一切如來言世尊如來非我所行諸  
如來言此何因耶金剛手言世尊如來有大  
自在天等諸惡有情一切如來猶尚不能調  
伏彼等我今何能調伏於彼  
今時世尊大毗盧遮那如來以一切如來所  
加持故即入一切如來大方便智金剛三摩

地於是三摩地中彼一切如來普盡虛空界  
如微塵量舒徧一切互相涉入乃至須彌山  
頂及彼金剛摩尼寶峯大樓閣中時諸如來  
還復聚集徧觀察已從世尊大毗盧遮那如  
來吉祥勝相心中而入  
今時世尊大毗盧遮那如來以一切如來心

自所加持由一切金剛平等故廣為救度利  
樂普盡無餘諸有情界一切有情令得最上  
諸悉地故為欲調伏一切惡者以一切如來  
大悲方便三摩地智徧觀察已復入一切如  
來大悲方便忿怒三昧金剛三摩地於是三  
摩地中一刹那間從一切如來心出宣說一

實九

三

切如來心一切如來金剛三昧秘密心明日  
吽引  
說是心明時從金剛手心金剛中出現具德  
執金剛者徧身光明大熾燄藏鬘眉感面張  
目利牙大忿怒相執金剛鉤利劍胷索等諸  
器仗復有金剛火燄光明徧聚其前無數眾

妙色相莊嚴金剛手像如是現已為於一切  
世界調伏一切惡者故住世尊大毗盧遮那  
如來周帀金剛界大曼拏羅相應月輪中說  
此頌曰

大哉方便善調伏 具大方便中復大  
若以方便化有情 現忿怒身即無染

尔時世尊大毗盧遮那如來普觀一切如來  
離戲論法性已即入一切如來大忿怒金剛  
三昧金剛加持三摩地說此一切如來金剛  
大智一切如來心本部最上大明曰

唵引遜婆你遜婆唵唵一屹哩合恨拏合屹  
哩合恨拏合唵二屹哩合恨拏引合播引野

吽三引阿引那野呼四引婆誒鏗縛日囉合吽引  
發吒五半音

說是大明時復從一切如來心出現具德金  
剛手菩薩舒徧一切世界雲海乃至一切如  
來菩薩眾會普徧加持鉤召悉入金剛三昧  
大曼拏羅中如是入已集諸三昧復聚為一

體成大金剛忿怒之身於世尊大毗盧遮那  
如來心住說此頌曰

大哉無上善提心 普徧賢善性清淨  
若令有情得調伏 即由忿恚生妙愛

是時大金剛忿怒身從世尊大毗盧遮那如  
來心下於一切如來前月輪中依止而住復

請教令

尔時世尊一切如來即入三昧鉤召金剛三  
摩地說一切如來三昧鉤召一切如來心自  
心明曰

吽引吒引枳引弱句一  
說是心明時舒徧一切世界雲海乃至三界

實九

四

主宰大自在天等一切世間普盡無餘彼集  
會眾而共圍遶以一切如來三昧金剛鉤召  
故悉召來諸須彌山頂金剛摩尼寶峯樓閣  
佛會周帀圍繞而住

尔時具德金剛手菩薩摩訶薩執金剛杵於  
心戲擲一切大會普盡三界徧觀察已作如

是言汝諸聖者當於一切如來教中依我教  
勅護持而行時大自在天言汝今令我當云  
何行

金剛手言汝當歸命佛法僧寶是為所行汝  
諸聖者若如是行即得一切智智時此世界  
極三界主大自在天以彼三界勝主宰故起

高倨勢現忿怒相作如是言汝金剛手大藥  
又王我為三界主最大自在若成若壞一切  
部多中我得自在是天中大天云何令我依  
汝藥又王教勅而行

尔時具德金剛手菩薩摩訶薩戲擲金剛杵  
復授教勅言汝大自在天極惡有情今應速

入大曼拏羅我三昧中依教而住

是時大自在天前白世尊大毗盧遮那如來  
言世尊今此大士云何於我大自在天授教  
勅耶

尔時世尊大毗盧遮那如來普告大自在天  
等諸天衆言汝等應當歸依三寶三昧戒中

實九

五

如是所行若不然者此金剛手菩薩大藥又  
王現暴怒相極惡威猛無令以彼勝金剛杵  
出火光燄盡此三界悉使破壞

時三界主大自在天以其三衆生宰自智自  
在故為具德金剛手菩薩現大怖畏極惡忿  
怒大威猛相出大熾燄大惡大笑并自眷屬

同時出現作如是言金剛手今我極三界主  
授汝教勅依我所行

尔時具德金剛手菩薩摩訶薩復擲金剛杵  
熙怡微笑作如是言汝是羯吒布單那所生  
以人肉屍灰雜惡為食牀座服飾而悉邪弊  
如是所行云何令我同汝教行

時大自在天起大忿怒相以自威力復作是  
言汝既然者我亦守護自教自三昧中依教  
而行

尔時具德金剛手菩薩摩訶薩大忿怒王即  
白佛言世尊此大自在天恃自智力大富主  
宰高倨自在故於一切如來清淨教中不生

歸信我今云何隨所能作

尔時世尊即說一切如來心出生大金剛三

昧大明曰

唵引你遜婆縛日囉合吽引焚吒半音

是時金剛手大菩薩亦說自金剛心明日

吽引

說是心明時普盡三界所來集會大自在天

等皆悉覆面迷悶躡地發苦惱聲向金剛手

菩薩歸依求救而彼大自在天等既躡地已

諸識不行將趣命終

尔時世尊知如是事即告金剛手菩薩言金

剛手汝今宜應以自所行於此普盡三界眾

施其無畏勿令此等咸失其命

時金剛手大忿怒王聽受世尊如是語已告

大自在天等眾言汝等若欲活其命者應當

歸命佛法僧寶依我教勅隨順而行大自在

天言我若歸命佛法僧寶然汝教中所有教

勅我亦不知

寶卷

六

尔時世尊大毗盧遮那如來告大自在天言

汝今當知此一切如來增上主宰一切如來

父一切如來教勅所作一切如來最上子具

德普賢金剛手菩薩摩訶薩為諸眾生作調

伏事故受大忿怒王灌頂所以者何以汝大

自在天等諸極惡眾一切如來猶尚不能寂

靜制止由是菩薩為令惡業諸有情等皆悉

調伏安住三昧汝今宜應依我教勅三昧中

任大自在天言世尊我今不能存活其命願

汝救我如汝所授我之教勅我當隨行

佛告大自在天言若能歸依金剛手菩薩彼

即是汝真實救護餘無護者是時普盡三界

所來會眾咸悉對向金剛手菩薩前異口同

音發苦惱聲作是白言金剛手願救護我願

救護我今我死苦唯願攝護

尔時金剛手大菩薩告彼眾言汝諸惡者於

我教中如教所行無令我此大金剛杵發火

光明都為一聚廣大熾熾焚燒一切悉為灰

塵

爐時彼衆言汝即普賢一切如來心所出生  
寂靜善調利益一切有情普施無畏云何於  
我不為饒益

時金剛手大忿怒王告彼衆言諸聖者我雖  
具普賢心然由一切如來教勅所作以汝極  
惡有情生罪業心不於如來三昧住者使我

實九

七

為彼調伏今得清淨時彼衆言我等如是悉  
住三昧

尔時具德金剛手菩薩摩訶薩大忿怒王且  
置大自在天即為餘天衆等安慰令起說此

金剛起一切如來心大明曰

嚩日嚩引二合底瑟姪二合

說是大明時除彼大自在天餘三界衆并諸  
眷屬前所躋地諸迷悶者即時咸得安慰其  
心獲妙樂觸遠離怖畏身毛喜豎瞻仰具德  
金剛手菩薩即能俱起

尔時世尊告金剛手大菩薩言大士此三界  
主大自在天何故不起于地而此將非壞失

命耶時金剛手大菩薩即為宣說護命大明

曰

嚩日囉引二合喻一句

就是大明時大自在天欲從地起雖竭其力  
竟復不能即白佛言世尊于今何人為我師  
歸佛言我非汝師歸彼金剛手大士是所歸

處汝今何不依彼教勅隨應所行大自在天  
言世尊若汝非是我師歸者誰能救護諸惡  
有情佛言為救護者即彼金剛手非我所能  
大自在天言所以者何佛言彼金剛手是一  
切如來增上主宰故大自在天言我不解佛  
所說義佛如來者為三界主云何金剛手大

士復增上耶我竟不能曉明斯義

尔時具德金剛手菩薩摩訶薩復告大自在  
天言汝惡有情何故不依我教勅行

是時大自在天聞金剛手菩薩作是語已復  
現暴怒大猛惡相作如是言我寧趣死終不  
於汝教中所行

時金剛手菩薩大忿怒主從自心現執金剛

阿耨左囉忿怒之像說是大明曰

唵引播引那引葛哩沙合二拏嚩日囉合二吽引一

尔時世尊大毗盧遮那如來即舉足心亦現

金剛阿耨左囉忿怒之像周而熾燄顰眉利

牙大面可畏住金剛手大菩薩前復請教令

實九

是時金剛手大菩薩為大自在天作清淨故

說是大明曰

唵引播引那引葛哩沙合二葛哩沙合二野句一

薩哩嚩合二嚩日囉合二達羅引耨左囉二建茶

建茶三嚩日囉合二吽引喲四

說是大明已時大自在天及烏摩天后偃仆

於地雙足上起裸露形體醜惡之相一切觀

者咸生戲笑是時即以足心所現忿怒之像

鉤召悉於金剛手前足踵而住時具德金剛

手菩薩摩訶薩前白佛言世尊此極暴惡天

及天后作何制止

尔時世尊即說大明曰

唵引嚩日囉合二訖囉合二摩呼引一

說是大明已金剛手大菩薩即舉左足踏大

自在天右足踏烏摩天后逼附乳間說是大

明曰

唵引嚩日囉引二合尾舍句一喝那野引怛覽合二

怛囉合二吒半音

說是大明時大自在天由逼迫故舉自千手

打其千面時被摩尼寶峯樓閣之外所有天

眾俱發大聲唱如是言今我主宰大自在天

已為金剛手大士之所降伏

尔時世尊為大自在天故起勝上大悲心說

一切佛慈護心明曰

實九

唵引沒馱昧底哩引二合嚩日囉合二犍又引款句一

說是在心明時彼大自在天即入三昧入三昧

已諸苦皆息又以金剛手菩薩足心觸故即

時獲得無上悉地勝妙灌頂及三摩地解脫

摠持神通智等如是得入一切如來三摩地

解脫摠持門已彼大自在天身從金剛手菩

薩足心而出下方過三十三瓊伽沙數極微塵量等世界至一世界名跋娑摩瓊那有佛出世號跋娑彌沙囉你哩瞿沙如來應供正等正覺時大自在天出現本身於彼佛前說伽陀曰

大哉一切正覺尊 諸佛大智無有上

若法墮於文句中 涅槃亦是假施設

說是伽陀已還復本處

復次具德金剛手菩薩摩訶薩告那羅延天等諸餘一切三界主言汝諸聖者宜應咸入一切如來金剛三昧大曼拏羅悉當護持一切如來所有三昧那羅延天等言如汝教勅

我等奉行

爾時金剛手大菩薩普告三界諸眾會言我今攝受汝諸聖者汝等復當歸命三寶受三昧戒於我三昧中如理而住時彼眾言我等奉教皆如是住然汝三昧我所不知是時金剛手大菩薩即為普授自三昧法

大菩提心出生已 最上法儀如次第 大智所應隨力行 三摩呬多汝善住

金剛手菩薩摩訶薩普為大自在天等諸天眾會結入大三昧印悉令如是依法所作說是大三昧大明曰

唵引嚩日囉合二三摩野句一屹哩合二恨拏滿馱

三摩野二嚩日囉合二薩埵三摩野三摩耨三

摩合二囉四薩哩嚩合二怛他引識多三摩野薩

怛鏗合二涅哩合二厨引彌引婆嚩五悉體合二嚩

引彌引婆嚩六阿引賀引哩喻二合彌引婆嚩

嚩七阿鉢囉合二底賀引哩喻二合彌引婆嚩

八薩哩嚩合二葛哩摩合二蘇左彌引唧多室哩

二煬合酤引嚩九賀賀賀賀十

說是大明時所有一切三界眾會皆悉鉤召授與金剛忿怒帝哩帝哩印依法而結普令一切堅固而住

佛說一切如來真實攝大乘現證三昧大教王經卷第九 實九